

卷二十九

書名 廣文選八十二卷 嘉靖十二年序刊本
 撰者 明 劉節 輯
 卷 卷二十九
 內容分類 集-總集-詩文
 索書號 大木-集部-總集類-3



廣文選卷第一

惟自然之初載兮道虛無而玄清太素紛以溷淆兮始
 有物下而混成何元一之芒昧兮廓開闢而著形爾乃清
 濁剖玄黃判離太極既殊是生兩儀星辰煥列日月
 重規以尊地靜以卑昏明迭炤或盈或虧陰陽協
 氣而寒暑隨時而推移三才殊性五行異位千變
 萬化庶類授之以形稟之以氣色表文采聲有音
 方流形品物鼓以雷霆潤以慶雲八風翱翔

天地廣

天地賦

成公子安



明通議大夫都察院右副都御史大庾劉節廣

編號 D7920300
 彩色首頁1
 東洋文化研究所漢籍目錄 編號: D7920300
 東洋文化研究所漢籍目錄所藏漢籍善本全文影像資料庫 索書號: 大木-集部-總集類-3
 漢籍善本全文影像資料庫文本 廣文選八十二卷 嘉靖十二年序刊本
 版權所有: 東京大學 東洋文化研究所
 使用上的注意事項

江都葛澗校

廣文選卷第十九


明通議大夫都察院右副都御史兼廣劉節廣

騷下

九歎九首

劉守政

伊伯庸之末胄兮諒皇直之屈原云余肇祖于高陽兮
 惟楚懷之嬋連原生受命于貞節兮鴻求路有嘉名齊
 名字於天地兮並光明於列星吸精粹而吐氣濁兮橫
 邪世而不取容行扣誠而不阿兮遂見排而逢讒后聽
 虛而黜實兮不吾理而順情腸憤憤而含怒兮志遷蹇
 而左傾心慄慌而不我與兮躬速速而不吾親辭靈修
 而隕意兮吟澤畔之江濱椒桂羅以顛覆兮有竭信而
 歸誠讒夫藹藹而曼著兮曷其不舒予情始結言於廟



堂兮信中塗而叛之懷蘭蕙與蘅芷兮行中壑而散之
聲哀哀而懷高丘兮心愁愁而思舊邦願承間而自恃
兮徑淫曠而道靡顏徽翼以沮敗兮精越裂而衰老裳
襜褕而含風兮衣納納而掩露赴江湘之湍流兮順波
湊而下降徐徘徊於山阿兮飄風來之洶洶馳余車兮
玄石步余馬兮洞庭平明發兮蒼梧夕投宿兮石城芙
蓉蓋而凌華車兮紫貝闕而玉堂薜荔飾而陸離薦兮
魚鱗衣而白蜺裳登逢龍而下隕兮違故都之漫漫思
南郢之舊俗兮腸一夕而九運揚流波之潢潢兮體溶
溶而東回心怊悵以求思兮意晻晻而自頽白露紛紛
以塗塗兮秋風濶濶以蕭蕭身未流而不還兮魂長逝
而常愁歎曰譬彼流水紛揚隨兮波逢洶涌紛旁市兮
揄揚條蕩漂流隕往觸岑石兮龍印將圜繚戾宛轉阻
相薄兮遭紛逢凶蹇離尤兮巫文揚采遺將來兮

逢紛

靈懷其不吾知兮靈懷其不吾聞就靈懷之皇祖兮愬
靈懷之鬼神靈懷曾不吾知兮即聽夫讒人之諛辭余
辭上參於天墜兮旁引之於四時指日月使延昭兮撫
招搖以質正立師曠俾端詞兮命咎繇使並聽珥出名
曰正則兮卦發字曰靈均余幼既有此鴻節兮長愈固
而彌純不從俗而詖行兮直躬指而信志不枉繩以追
曲兮屈情素以從事端余行其如玉兮述皇輿之踵跡
群阿容以晦光兮皇輿覆以幽辟輿中塗以回畔兮駟
馬驚而橫犇執組者不能制兮必折軛而摧轅斷鑣銜

以馳騫兮暮去款而敢止路蕩蕩其無人兮遂不禦乎
千里身衡陷而下沈兮不可獲而復登不顧身之卑賤
兮惜皇輿之不興出國門而端指兮方冀壹寤而錫還
哀僕夫之坎毒兮屢離憂而逢患九年之中不吾反兮
思彭咸之水遊惜師延之浮渚兮赴汨羅之長流遵曲
江之逶移兮觸石碣而衡遊波澧澧而揚澆兮順長瀨
之濁流凌黃沱而下低兮思還流而復反玄輿馳而並
集兮身容與而日遠擢舟杭以橫瀟兮濟湘流而南極
立江界而長吟兮愁哀哀而累息情慌忽以忘歸兮神
浮遊以高厲志蛩蛩而懷顧兮覓眷眷而獨逝歎曰余
慕兮讒夫黨旅其以茲故兮河水淫淫情所願兮願
郢路終不返兮

靈懷

唯鬱鬱之憂毒兮志坎壈而不違身樵悴而考旦兮日
黃昏而長悲閔空宇之孤子兮哀枯楊之冤雛孤雌吟
於高墉兮鳴鳩棲於桑榆玄媛失於潛林兮獨偏弃而
遠放征夫勞於周行兮處婦憤而長望申誠信而罔違
兮情素潔於紉帛光明齊於日月兮文采耀於玉石傷
厭次而不發兮思沈抑而不揚芳懿懿而終敗兮名糜
散而不彰背玉門以犇騫兮蹇離尤而干詬若龍逢之
沈首兮王子比干之逢醢念社稷之幾危兮反爲讐而
見怨思國家之離沮兮躬獲愆而結難若青繩之僞質
兮晉驪姬之反情恐登階之逢殆兮故退伏於末庭孽

子之號咷兮本朝蕪而不治犯顏色而觸諫首及蒙辜
而被疑苑薜蕪與菌若兮漸藁本於沔瀆淹芳芷於腐
井兮弃雞駭於筐籠執棠谿以荆蓬兮秉干將以割肉
筐澤瀉以豹鞞兮破荆和以繼築時溷獨猶未清兮世
教亂猶未察欲容與以俟時兮懼年歲之旣晏顧屈節
以從流兮心鞏鞏而不夷寧浮沉而馳騁兮下江湘以
遭迴歎曰山中檻檻余傷懷兮征夫皇皇其孰依兮經
榮原野杳冥冥兮乘騏驎舒吾情兮歸骸舊邦莫誰
語兮長辭遠逝乘湘去兮

離世

志隱隱而鬱怫兮愁獨哀而冤結腸紛紜以繚轉兮涕
漸漸其若屑情慨慨而長懷兮信上皇而質正合五嶽
與八靈兮訊九魁與六神指列宿以白情兮誣五帝以
置詞北斗爲我質中兮太一爲余聽之云服陰陽之正
道兮御后土之中和佩蒼龍之蚺虬兮帶隱虹之透地
曳彗星之皓旰兮撫朱爵與鷓鴣遊清霧之颯戾兮服
雲衣之披披杖玉策與朱旗兮垂明月之玄珠舉霓旌
之帶翳兮建黃昏之總旄躬純粹而罔愆兮承皇考之
妙儀惜往事之不合兮橫汨羅而下厲乘隆波而南度
兮逐江湘之順流赴陽侯之潢洋兮下石瀨而登洲陸
魁堆以蔽視兮雲冥冥而闇前山峻高以無垠兮遂曾
閔而迫身雪雰雰而薄木兮雲霏霏而隕集阜隘狹而
幽險兮石嶮嗟以翳日悲故鄉而發忿兮去余邦之彌
久背龍門而入河兮登大墳而望夏首橫舟航而濟湘

兮耳聊啾而懍慌波淫淫而周流兮鴻溶溢而滔蕩路
曼曼其無端兮周容容而無識引日月以指極兮少須
臾而釋思水波遠以冥冥兮眇不睹其東西順風波以
南北兮霧宵晦以紛闇日杳杳以西頽兮路長遠而窘
迫欲酌醴以娛意兮蹇騷騷而不釋歎曰飄風蓬龍埃
拂拂兮山木搖落時槁悴兮遭傾遇禍不可救兮長吟
未歛涕煢煢兮舒情嗽詩冀以自免兮頽流下逝身日
以遠兮

怨思

悲余性之不可改兮屢懲艾而不返服覺酷以殊俗兮
貌揭揭以巍巍譬若王僑之乘雲兮載赤霄而凌太清
欲與天地參壽兮與日月而比榮登崑崙而北首兮悉
靈囿而來謁選鬼神於太陰兮登閭闔於玄闕回朕車
俾西引兮褰虹旗於玉門馳六龍於三危兮朝四靈於
九濱結余軫於西山兮橫飛谷以南征絕都廣以直指
兮歷祝融於朱冥枉玉衡於炎火兮委兩館於咸唐貫
瀕濛呂東竭兮維六龍於扶桑周流覽於四海兮志升
降呂高馳徵九神於回極兮建虹采呂招指駕鸞鳳呂
上遊兮從玄鶴與鷓朋孔鳥飛而送迎兮騰群鶴於瑤
光排帝宮與羅囿兮升懸圃呂眩滅結瓊枝呂雜佩兮
立長庚呂繼日凌驚雷呂軼駭電兮綴鬼谷於北辰鞭
風伯使先驅兮囚靈玄於虞淵愬高風以徘徊兮覽周
流於朔方就顛頊而嗽詞兮考玄冥於空桑旋車逝於
崇山兮奏虞舜於蒼梧濟楊舟於會稽兮就申胥於五

湖見南郢之流風兮殞余躬於沅湘望舊邦之黯黯兮
時溷濁猶未央懷蘭茝之芬芳兮妬被離而折之張絳
帷且襜襜兮風邑邑而蔽之日暵暵其西舍兮陽炎炎
而復顧聊假日以須臾兮何騷騷而自故歎曰譬彼蛟
龍乘雲浮兮汎淫頽溶紛若霧兮潺湲輻輳雷動電發
馭高舉兮升虛凌其沛濁浮清入帝宮兮搖翹奮羽馳
風騁雨遊無窮兮

遠逝

覽屈氏之離騷兮心哀哀而怫鬱聲嗷嗷以寂寥兮顧
僕夫之憔悴撥諛諛而匡邪兮切澠澠之流俗盪漑淩
之姦咎兮夷蠢蠢之溷濁懷芬香而挾蕙兮佩江離之
菲菲握申椒與杜若兮冠浮雲之峨峨登長陵而四望
兮覽芷圃之蠹蠹遊蘭皋與蕙林兮睨玉石之嶮嶮揚
精華以眩耀兮芳鬱渥而純美結柱樹之旖旎兮紉絳
蕙與辛夷芳若茲而不御兮捐林薄而苑死驅子僑之
犇走兮申徒狄之赴淵若夷由之純美兮介子推之隱
山晉申生之離殃兮荆和氏之泣血吳子胥之快眼兮
王子比干之橫廢欲卑身而下體兮心隱惻而不置方
園殊而不合兮鉤繩用而異態欲竦時於須臾兮日陰
曠其將暮時遲遲其日進兮年忽忽而日度安周容而
入世兮內距閉而不開竢時風之清激兮愈氛霧其如
塵進雄鳩之耿耿兮讒紛紛而蔽之默順風以偃仰兮
尚由由而進之心憤恨以寃結兮情舛錯以曼曼蹇蹇
蒞於山野兮采撚枝於中州望高丘而歎涕兮悲吸吸

而長懷孰契契而委棟兮日晡晡而下頽歎曰油油江
湘長流汨兮挑揄揚波盪迅疾兮憂心展轉愁怫鬱兮
寃結未舒長隱忿兮丁時逢殃孰可柰何兮勞心悵悵
涕滂沲兮

惜賢

悲余心之悄悄兮哀故邦之逢殃辭九年而不復兮獨
瑩瑩而南行思余俗之流風兮心紛錯而不受遵壑莽
以呼風兮步從容於山藪巡陸夷之曲衍兮幽空虛以
寂寞倚石巖以流涕兮憂憔悴而無樂登巘岵以長企
兮望南郢而闕之山修遠其遼遼兮塗漫漫其無時聽
玄鶴之晨鳴兮于高岡之峨峨獨憤積而哀娛兮翔江
而安歌三鳥飛飛以自南兮覽其志而欲北願寄言
於三鳥兮去飄疾而不可得欲遷志而改操兮心紛結
而未離外彷徨而遊覽兮內惻隱而含哀聊須臾以時
忘兮心漸漸其煩錯願假簧以舒憂兮志紆鬱其難釋
歎離騷以揚意兮猶未殫於九章長嘘吸以於悒兮涕
橫集而成行傷明珠之赴泥兮魚眼璣之堅藏同鴛羸
與乘駟兮雜班駁與鬪茸葛藟繫於桂樹兮鳴鴉集於
木蘭偃促談於廊廟兮律魁放乎山閒惡虞氏之簫韶
兮好遺風之激楚潛周鼎於江淮兮爨土鬻於中宇且
人心之有舊兮而不可保長遭彼南道兮以征夫宵行
思念郢路兮還顧睽睽涕流交集兮泣下漣漣歎曰登
山長望中心悲兮苑彼青青泣如頽兮留思北顧涕漸
漸兮折銳摧衿凝汜濫兮念我瑩瑩魂誰求兮僕夫慌

粹散若流兮

憂苦

昔皇考之嘉志兮喜登能而亮賢情純潔而罔歲兮姿
盛質而無愆放佞人與譎諛兮斥讒夫與便嬖親忠正
之悃誠兮招貞良與明智心溶溶其不可量兮情澹澹
其若淵回邪辟而不能入兮誠願藏而不可遷逐下秩
於後堂兮迎宓妃於伊雒荆讒賊於中厠兮選呂管於
榛薄叢林之下無怨士兮江河之畔無隱夫三苗之徒
以放逐兮伊臯之倫以充廬今反表以爲裏兮顛裳以
爲衣咸宋萬於兩楹兮廢周邵於遐夷却騏驥以轉運
兮騰驢羸以馳逐蔡女黜而出帷兮戎婦入而綵繡服
慶忌囚於阱室兮陳不占戰而赴圍破伯牙之號鍾兮
挾人箏而彈緯藏瑇瑁石於金匱兮捐赤瑾於中庭韓信
蒙於介冑兮行夫將而攻城莞芎棄於澤洲兮匏蠶蠹
於筐籠麒麟奔於九臯兮熊羆群而逸圍折芳枝與瑤
華兮樹枳棘與薪柴掘荃蕙與射干兮耘藜藿與藿荷
惜今世其何殊兮遠近思而不同或沉淪其無所達兮
或清激其無所通哀余生之不當兮獨蒙毒而逢尤雖
蹇蹇以申志兮君垂差而屏之誠惜芳之菲菲兮反以
茲爲腐也懷椒聊之藹藹兮乃逢紛以罹詬歎曰嘉皇
旣歿終不返兮山中幽險郢路遠兮讒人譏譏孰可愬
兮征夫罔極誰可語兮行險累欬聲喟喟兮懷憂舍戚
何侘僚兮

愍命

冥冥深林兮樹木鬱鬱山參差以嶮巖兮阜杳杳以蔽
日悲予心之悄悄兮目眇眇而遺泣風騷屑以搖木兮
雲吸吸以湫戾悲余生之無歡兮愁倥偬於山陸日徘徊
於長阪兮夕彷徨而獨宿髮披披以讓鬢兮躬劬勞
而瘖悴竟徃徃而南行兮泣霑襟而濡袂心嬋媛而我
告兮口噤閉而不言違郢都之舊閭兮回湘沅而遠遷
念余邦之橫陷兮宗鬼神之無次閔先嗣之中絕兮心
惶惑而自悲聊浮遊於山陬兮步周流於江畔臨深水
而長嘯兮且倘佯而汎觀與離騷之微文兮與靈修之
壹悟還余車於南郢兮復往軌於初古道修遠其難遷
兮傷余心之不能已背三五之典刑兮絕洪範之辟紀
播規槩以背度兮錯權衡而任意操繩墨而放棄兮傾
容幸而侍側甘棠枯於豐草兮藜棘樹於中庭西施片
於北宮兮低惟倚於彌楹烏獲戚而駮乘兮燕公操於
馬園荆贖登於清府兮咎繇棄於壑外蓋見茲以求歎
兮欲登階而狐疑乘白水而高鶩兮因徙弛而長詞歎
曰倘佯墟阪沼水深兮容與漢渚涕淫淫兮鍾牙已死
誰爲聲兮織阿不遇焉舒情兮曾哀悽欷心離離兮還
顧高丘泣如灑兮

思古

反騷

楊子雲

有周氏之蟬嫣兮或鼻祖於汾隅靈宗初謀伯僑兮流
於末之揚侯淑周楚之豐烈兮超既離虜皇波因江潭
而泚記兮欽弔楚之湘纍惟天軌之不辟兮何純絜而
離紛紛纍以其渙忍兮暗纍以其續紛漢十世之陽朔

兮招搖紀于周正正皇天之清則兮度后土之方貞圖
纍承彼洪族兮又覽纍之昌辭帶鉤矩而佩衡兮履櫬
槍以爲綦纍初貯厥麗服兮何文肆而質虧資姬娃之珍
髫兮鬢九戎而索賴鳳皇翔於蓬階兮豈駕鵝之能捷
騁驂騶以曲躡兮驢騾連蹇而齊足枳棘之榛榛兮煖
猶擬而不敢下靈修既信椒蘭之啜佞兮吾纍忽焉而
不早睹衿芟茄之綠衣兮被夫容之朱裳芳酷烈而莫
聞兮不如襞而幽之離房閨中容競淖約兮相態以麗
佳知衆媼之嫉妬兮何必颺纍之娥眉懿神龍之淵潛兮
候慶雲而將舉亡春風之被離兮孰焉知龍之所處愍
吾纍之衆芬兮颺燁燁之芳苓遭季夏之凝霜兮慶天
頽而喪榮橫江湘以南泚兮云走乎彼蒼吾馳江潭之
汎溢兮將折秉乎重華舒中情之煩或兮恐重華之不
纍與陵陽侯之素波兮豈吾象之獨見許精瓊靡與秋
菊兮將以延夫天年臨汨羅而自隕兮恐日薄於西山
解扶桑之總轡兮縱令之遂奔馳鸞皇騰而不屬兮豈
獨飛廉與雲師卷薜芷與若惠兮臨湘淵而投之楫申
椒與菌桂兮赴江湖而漚之費椒楮以要神兮又勤索
彼瓊茅違靈氛而不從兮反湛身於江臯纍旣化古攀字
夫傳說兮奚不信而遂行徒恐鸚鵡之將鳴兮顧先百
草爲不芳初象棄彼處妃兮更思瑤臺之逸女抨雄鳩
以作媒兮何百離而曾不壹耦乘雲霓之旂柅兮望崑
崙以穆流覽四荒而顧懷兮奚必云女被高丘旣亡鸞
車之幽藹兮焉駕八龍之委蛇臨江瀕而掩涕兮何有

九招與九歌夫聖哲之不遭兮固時命之所有雖增歎
以於邑兮吾恐靈修之不曩改昔仲尼之去魯兮斐斐
遲遲而周邁終回復於舊都兮何必湘淵與濤瀨溷漁
父之舖歎兮潔沐浴之振衣棄由聃之所珍兮躋彭咸
之所遺

九思

王叔師

悲兮愁哀兮憂天生我兮當闇時被詆譖兮虛獲尤心
煩憤兮意無聊嚴載駕兮出戲遊周八極兮歷九州求
軒轅兮索重華世既卓兮遠眇眇握佩玖兮中路踏羨
臯繇兮建典謨懿風后兮受瑞圖愍余命兮遭六極委
王質兮於泥塗遽倖違兮驅林澤步屏營兮行丘阿車
軌折兮馬虺頽憊悵立兮涕滂沲思丁文兮聖明哲哀
平差兮迷謬愚呂傅舉兮殷周興息懿專兮郢吳虛傳
長嘆兮氣餽結悒殞絕兮活復蘇虎兕爭兮於廷中豺
狼鬪兮我之喁雲霧會兮日冥晦飄風起兮揚塵埃走
鬩曼兮作東西欲竄伏兮其焉如念靈閨兮與重深輒
願竭節兮隔無由望舊邦兮路委隨憂心悄兮志勤劬
寃晃晃兮不遑寐目眩眩兮寤終朝

逢尤

令尹兮警警羣司兮譟譟哀哉兮溷溷上下兮同流救
羸兮蔓衍芳蘭兮挫枯朱紫兮雜亂曾莫兮別諸倚此
兮巖穴未思兮窈悠嗟懷兮眩惑用志兮不昭將喪兮
玉斗遺失兮鈕樞我心兮煎熬惟是兮用憂集慕兮九
旬退顧兮彭務擬斯兮二蹤未知兮所投謠吟兮中櫬

上察兮璇璣大火兮西睨攝提兮運低雷霆兮碾礧電
霰兮霏霏奔電兮光晃涼風兮愴悽鳥獸兮驚駭相從
兮宿棲鴛鴦兮雍雍狐狸兮嶽嶽哀吾兮介特獨處兮
罔依蝼蛄兮鳴東蠱蠹兮號西載綠兮我裳蠲入兮我
懷蟲豸兮夾余惆悵兮自悲佇立兮怛怛心結縉兮折
摧

怨上

周徘徊兮漢渚求水神兮靈女嗟此國兮無良謀女詘
兮譴謗鳩雀列兮譁謹鵠鶴鳴兮聒余抱昭華兮寶璋
欲銜鸞兮莫取言逝邁兮北徂叫我友兮配耦日陰曠
兮未光閔晴霏兮靡睹紛載驅兮高馳將諮詢兮皇羲
遵河臯兮周流路變易兮時垂瀟滄海兮東遊沐盥浴
兮天池詎太昊兮道要云靡貴兮仁義志欣樂兮反征
就周文兮邠岐秉玉英兮結誓日欲暮兮心悲惟天祿
兮不再背我信兮自違踰隴堆兮渡漠過桂車兮合黎
赴崑山兮禹駮從盧敖兮棲遲吮玉液兮止渴齧芝華
兮療飢居嶮廓兮眇疇遠梁昌兮幾迷望江漢兮溲泔
心緊秦兮傷懷時朏朏兮且且塵漠漠兮未晞憂不暇
兮寢食吒增歎兮如雷

疾世

哀世兮碌碌諛諛兮嗑嗑衆多兮阿媚骯靡兮成俗貪
枉兮黨比貞良兮梵獨鵠窟兮枳棘鶉集兮帷幄薊藜
兮青葱藁本兮萎落覩斯兮僞惑心違兮隔錯逡巡兮
圃藪率彼兮吟陌川谷兮淵淵山島兮硤硤叢林兮崦

嶮林榛兮岳岳霜雪兮灌漑冰凍兮洛澤東西兮南北
罔所兮歸薄庇廢兮枯樹匍匐兮巖石踳踳兮寒局數
獨處兮志不申年齒盡兮命迫促魁壘擠摧兮常困辱
含憂強老兮愁無樂鬢髮蔓頰兮顛鬢白思雲澤兮一
膏沐懷蘭英兮把瓊若待天明兮立躑躅雲濛濛兮電
條爍孤鷗驚兮鳴啾啾思怫鬱兮肝切剝忿憤悒兮孰
訴告

憫上

悼屈子兮遭厄沈玉躬兮湘汨何楚國兮難化迄于今
考不易士莫志兮羔裘競佞諛兮讒閱閱指正義兮爲
用訛璧玉兮爲石鷓鴣遊兮華屋鷄鷄棲兮柴族起奮
迅兮奔走建群小兮談說青雲兮上昇道昭明兮所
處躡天衢兮長驅踵九陽兮戲蕩越雲漢兮南濟稊余
馬兮河鼓霄霓紛兮晡翳參辰回兮顛倒逢流星兮問
路顧指我兮從左徑媿紫兮直馳御者迷兮失軌遂踣
達兮邪造與日月兮殊道志闕絕兮安如哀所求兮不
耦攀天階兮下視見鄢郢兮舊宇意逍遙兮欲歸衆穢
盛兮杳杳思哽饘兮詰詘涕流瀾兮如雨

遭厄

嗟嗟兮悲夫殺亂兮紛挐茅絲兮同綵冠履兮共絢督
蕙兮侍宴周邵兮首芻白龍兮見歟靈龜兮執拘仲尼
兮困厄鄒衍兮幽囚伊余兮念茲奔遁兮隱居將升兮
高山上兮有兮猴猿欲入兮深谷下有兮虺蛇左見兮鳴
鵙右睹兮呼梟惶悸兮失氣踴躍兮距跳便旋兮中原

仰天兮增歎管蒯兮椹莽藿葦兮千眠鹿蹊兮躑躅
貉兮蟬蟬鷓鴣兮軒軒鷓鴣兮甄甄哀我兮寡獨靡有
兮匹倫意欲兮沈吟迫日兮黃昏玄鶴兮高飛增逝兮
青冥鷓鴣兮喈喈山鵲兮嚶嚶鴻鷓兮振翅歸鴈兮未
征吾志兮覺悟懷我兮聖京垂屣兮將起跣跣兮須臾

悼亂

惟昊天兮昭靈陽氣發兮清明風習習兮蘇煖百草萌
兮華榮董荼茂兮敷疏蘅芷彫兮瑩嬾愍貞良兮遇害
將天折兮碎糜時混混兮澆饋哀當世兮莫知覽往昔
兮俊彥亦訕辱兮係纒管束縛兮桎梏百贊易兮傳賣
遭栢繆兮識舉才德用兮列施且從容兮自慰玩琴書
兮遊戲追中國兮迤邐吾欲之兮九夷超五嶺兮嗟峨
觀浮石兮崔嵬陟丹山兮炎野屯余車兮黃支就祝融
兮稽疑嘉已行兮無爲乃回竭兮北逝遇神媯兮宴娛
欲靜居兮自娛心愁感兮不能放余轡兮策駟忽風騰
兮雲浮蹶飛杭兮越海從安期兮蓬萊緣天梯兮北上
登太一兮玉臺使素女兮鼓簧乘戈蘇兮謳謠聲噉詭
兮清和音晏衍兮要姪咸欣欣兮酣樂余眷眷兮獨悲
顧葦華兮太息志戀戀兮依依

傷時

昊天兮清涼玄氣兮高朗北風兮潦烈草木兮蒼唐蚍
蜚兮噍噍唧蛆兮穰穰歲忽忽兮惟暮余感時兮悽愴
傷俗兮泥濁蒙蔽兮不章寶彼兮沙礫捐此兮夜光椒
瑛兮涅汙萋耳兮充房攝衣兮緩帶操我兮墨陽昇車

兮命僕將馳兮四荒下堂兮見蠶出門兮觸蠶巷有兮
蚰蜒邑多兮螳螂睹斯兮嫉賊心為兮切傷俛念兮子
胥仰憐兮比干投劍兮脫冕龍屈兮蜿蟺潛藏兮山澤
匍匐兮叢攢窺見兮溪澗流水兮沄沄鼃鼃兮欣欣鱣
鮪兮延延群行兮上下駢羅兮列陳自恨兮無友特處
兮榮榮冬夜兮陶陶雨雪兮冥冥神光兮頰頰鬼火兮
熒熒修德兮困控愁不聊兮遑生憂紆兮鬱鬱惡所兮
寫情

哀歲

陟玉巒兮逍遙覽高岡兮嶢嶢桂樹列兮紛敷吐紫莖
兮布條實孔鸞兮所居今其集兮惟鴉烏鵲驚兮啞啞
余顧瞻兮怛怛彼日月兮闇昧障覆天兮侵氛伊我后
兮不聰焉陳誠兮効忠據羽翮兮超俗遊陶遨兮養神
乘六蛟兮蜿蟺遂馳騁兮陞雲揚慧光兮為旗秉電策
鞭朝晨發兮馱馱食時至兮增泉繞曲阿兮北次造我
車兮南端謁玄黃兮納贄崇忠貞兮彌堅歷九宮兮徧
觀睹祕藏兮寶珍就傳說兮騎龍與織女兮合婚舉天
羅兮掩邪殼天弧兮舛姦隨真人兮翱翔食元氣兮長
存望太微兮穆穆睨三階兮炳分相輔政兮成化建烈
業兮垂勳日警警兮西沒道遐迥兮阻歎志穉積兮未
通悵敞罔兮自憐

守志

亂曰天庭明兮雲霓藏三光朗兮鏡萬方斥蜚蜴兮進
龜龍策謀從兮翼機衡配稷契兮恢唐功嗟英俊兮未

爲雙

九愍

陸士龍

昔屈原放逐而離騷之辭興自今及古文雅之士莫不以其情而玩其辭而表意焉遂廁作者之末而述九愍裔皇聖之豐祐膺萬乘之多福真龍暉以底載啓元辰而誕育考度中以錫命端嘉令而自肅蘭情馥以芬香瓊懷皎其如玉希千載以遙想想遠思而自怡範方地而式矩儀穹天而承規結丹款於璇璣協朱誠於四時容中心之信脩佩日月以爲旗悲年歲之晚暮殉脩名而競心仰勲華之耿暉詠三辟之遐音握遺芳而自玩挹浩露於蘭林陰雲紛以興靄颺風起而回波黨明淫以惡美疾傾宮之楊娥樹椒蘭於瑤圃掩夜光於瓊華其若遺瞻前軌而我先顧後乘而駕遲遲荒塗而伏軾撫鳴鸞而稱悲感瞻烏之有集嗟離瘼之焉歸靜沉思以自瘁願凌雲而天飛

修身

逢天怒而離紛遘時咎於惟塵端周誠以恪民祗後命而自寅悲讒口之罔極高離情於參辰豈三錫之又踰乃裔予於遐賓運羽權以涉江浮鄂渚而駕言昔夏首以窘逝兮汧行川而未歎結風回而薄水兮源波榮而重瀾情懷眷以疊結舟淹流而中盤相愁心以自邁肅榜人而曾驅詔河馮以清川命湘娥而安流濟南詔以佇望野蕭條而振疇獸悲號以命旅鳥往顧而鳴仇悲

我行之悠悠怨同懷之莫求發辰陽而江彼緣湘沅而
來假亦芳樹於縣車秣梁苗於樊馬山出高以藏景雲
掩靄而荒野鳥拊翼於甍巔水回波於下指明星以
昧路景即陰而無旅隨長川以問津響登聲而和予聽
歸音以自聞踐無迹以窮處雖遘愍之命多亦顛沛其
何侮仰衆芳之遺情希絕風之延佇

涉江

亂曰有烏翻飛集江湘兮彼美一人莫予將兮念茲涉
江懷故鄉兮生日何短感日長兮顧我愁景惟末傷兮
積沉毒於苦心菟憑虛以飄蕩形息景於重陰虎鳴颺
以拂谷螭回雲而結林操土音以懷郢涕頻代而盈襟
辭終古之舊墟託茲邦而遙集望龍門而屢顧攀惟桑
而祗泣悲惠之難狀振枯形而獨立撫彫容之日頽怛
炯思而弗及聞先黎之達教固積善於遺慶晞明休而
受言想介福之保定靡心貞以祗服沂大順而委命君
在初之嘉惠每成言而未日怨谷風之攸歎彌九齡而
未徹願自獻於承間悲黨人之造膝舒幽情其曷訴卷
末懷而淹恤嗟哲士之足歎傷邦家之殄瘁痛靈修之
匪懷頽九成於一匱忘大寶之勿假輕挈瓶之守器仰
剪翮於凌霄俯歸飛於矰蔚毀方城於秦川投江漢於
泥渭悲彼黍之在郢悼宗楚之莫餼撫傷心以告哀將
斯情之孰慰

悲郢

登高山以遐望悲悠處以淹流豈大川之難濟悲利涉

之莫由申修誠以底節及內鑒而自求考余心其焉可
往稽度於神謀訪斯言以上居想貞龜以告猷將矯翼
而塗險思振清而世濁羗釋筭而評子諒不疑其何卜
朝彈冠以晞髮夕振裳而濯足有懷沙以赴淵無抱素
而蒙辱愁纏綿以宅心長歎息而飲淚步江潭以彷徨
頓行吟而含瘁遇漁父之戾止興謹言而來憇雖懷芳
而握瑜懼惟塵之我穢顧虛景而端形矧同波於其醉
迨伊人之道遙聊仰葉於林側懷達心以遠寤怡哀顏
而表色仰班荆之遺情想嘉訊而良食若有言而未吐
忽棄予而凌波揮龍榜以鼓汰遺芬響而清歌俟滄浪
之濯纓悲余壽之幾何愧褊心之歎渝恨爾謁之莫和
指江魚之言志營玄寢於汨羅苟懷忠而死節豈有生
之足嘉

行吟

悲怨思之多感情惆悵而遠慕世玄黃而既渝心居貞
而抱素冀斯氣之一清要佳人於天路考年載以遲之
悲歲聿之已暮攬豐草於朝日思先晞於湛露規法圓
而天象矩則方於地形祇信順以自範邀式穀於神聽
悲登竟之無抗訊貞夢而選靈悔相道而懷顧悲實蕃
之已盈頑椒丘而息駕振初服而翱翔結瓊蕤之芳襟
襲凌華之藻裳懷瑤林之珍秀握蘭野之芳香命巫咸
以啓期訪百神而考祥靖末言以聽命欽靈諄而肅邁
振華冕之玉藻樹象軒之高蓋率假翼以鳴和霓揮景
而縈旒芳塵穆以煙煴彤雲起而深藹遊八極以大觀

解飛繼以長想將結軌而世狹願援楫而川廣雖我服
之方壯思振策其安往舒遠懷以弭節塞世羅於天網

紆思

亂曰倚倚芳草殖山阿兮朝日來照發豐華兮秋風蕭
瑟凝霜加兮傾葉懷春猶俟河兮徧周流而無過悲窮
思之未久聽幽荒而罔詔眷寥廓而無友沉流液於繩
樞逝回飈於甕牖呼寂寞而靡應覽虛無其何有神悠
悠而未念憂綢繆而盈室哀惻心而響起時棄予而景
逸招逝運其難徵儀遺軌而無律雖芳林之將焚豈蘭
響之可謚晞馥風於曠野思同芬而靡質命險太其靡
常道離隆而匪易紆幽情而思古援在昔而立辟俟重
華以同遊悲瑤圃之難適卅登陸其焉濟輪涉淵而無
迹悲荒途之既舛臨遵渚而投策欲隨波以周流恨匪
石之難頽將從風而卷舒悲宜矢之辭懷貞郎志而玉
折厲勁心而蘭摧喟我懷以寤歎闡前鑒而自融忠與
邪其莫可豈余命之所窮俯投迹而世洿仰晞志而道
隆耻蒙妬於同塵思振揮於別風明爽心以畢志考吾
道以自終

考志

天機偏其挺蓋玉衡運而回襄景彌修而日短時愈促
而夜長和音變而改律乘風革而為商感秋林之夙暮
悲芳草之中霜存攸忽而風過逝揮霍而雲散方輕焮
而炯遲比收電而景宴將愉樂以夙興迢良日於昧日
痛予生之不辰逢此世之多難將藹藹而未颺世渾渾

其難澄風頽山以離谷波平淵以爲陵道曠世而朴散
化固滯而物凝恨輜德以莫舉悲民鮮之孰勝景昭明
以妙見音振響而攄聞金淬堅以示斷芭靡質而效芬
罄貞規以殉節反蒙謫於明群咨小心以惴惴悲江草
之芸芸

感逝

亂曰浮雲掩藹天明息兮增羅重設鳳矯翼兮梧桐逝
矣樹榛棘兮思我芳林喟嘆息兮哀時命之險薄懷斯
類以結憂手拊膺而未歎形顧景而長愁生遺年而有
盡居靜言其何須將輕舉以遠覽眇天路而高遊結垂
雲之翠虬駕琬琰之玉輿揮采旄以煙指靡華旌而電
舒命日月以清天吾將遊乎九閔命屏翳以夕降式飛
廉以朝興塗蒙雨而後清景貞暉而先登陪湘妃於鳳
輅列漢女以後乘瓊娥起而清嘯神風穆其來應駢憑
雲而響駭駭嘘天而景凌望紫微以振策珊太階而遂
升飛芝蓋之翼翼回雲車之麟麟朝總轡於扶桑夕飲
馬於天津伐河鼓以解徵迄昆侖而凱振軌凌虛而遺
迹塵蒙飈而絕輪豈遠遊之無樂懷故都而傷情靡龍
首以還顧轉瑤衡而回縈泝凱風以流盼悲舊邦之穢
傾眷南雲以興悲蒙東雨而涕零凌百川而絕蹈仰濯
髮於崢嶸豈沉瘁之足弭將蟬蛻於長生

征

痛世路之隘狹詠遂古而長悲鏡端形於三接照直影
於太微祇中懷以眷慕豈鑿寐而忘歸悼天朝之遂晦

稱貝錦於繁文侈南箕以鼓物藹清陽而播芬迹同塵
而壤絕景和光而天分俯隕息於縈波仰頽歎而崩雲
折若華以翳日時靡靡而難停食秋菊以却老年冉冉
其既盈欲假翼以天飛怨曾飈之我經思戢鱗以遁沼
悲沉網之在淵有河清而志得挫千載之長年擠哀響
於頽風寓悲音於絕弦嗟有生之必死固逸我以自休
彼達人之遺物甘褰裳而赴流矧余情之沉毒資有生
以速憂悼居世其何感固形存其爲尤想百年之促期
悲樂少而難多修與短其足奚曷久沉於汨羅投瀾漪
而負石涉清湘以懷沙臨恒流而自墜蒙濬壑之隆波
接申胥於南江



鼓冕雲以攜手仰接景

而登遐

廣文選卷第二十九







不 許 複 製

NOT TO BE REPRODUCED

東京大学東洋文化研究所